

四庫全書

集部

欽定四庫全書

集部
楊李詩繫卷十

詳校官侍講_臣王燕緒

主事銜_臣徐以坤覆勘

總校官進士_臣朱 鈐

校對官編修_臣蕭九成

謄錄監生_臣呂 蟠

欽定四庫全書

鶴李詩繫卷十

平湖沈季友編

明

周布衣寅

寅字汝欽嘉善人奉母至孝安貧守義鄉人重之
嘗有盜其桔槔者已而復還曰吾有慙於周君初
學于周鼎後鼎有疑必咨於寅有百櫟堂集

風涇得泉字

考見
題咏

清風義井官衢側泉脈源源來不息居人緩汲行人先
丹室仙人方煮石作亭者誰顧虎頭我有義心天有錫
凡今錢貨古曰泉一舉偶然成兩得

麟溪草堂

考見
題咏

愛爾麟溪水竹居考槃人與境偏宜杖藜我欲閒相遇
題徧琅玕節上詩

倪運使顯

顯字廷瞻號居易政之子天順丁丑進士官運使
題馬

紅韁裊裊縮金羈仗立歸來日未西四海只今烽燧息
華陽春草正萋萋

雲東逸史姚綬

綬字公綬嘉興人

或云嘉善人誤

天順甲申進士為御史

巡鹽兩淮鈎剔積弊淮饑畫策賑民以耿介忤當
道出知江西永寧縣母老辭歸所居大雲里東饒

水木作室曰丹丘又作滄江虹月之舟浮泛吳越
間粉窗翠幙擁僮奴設茗彈絲吹竹譙笑彌日
書畫妙絕一時初號穀庵又號雲東子蘭臺逸史
天田老農上清仙吏嬾仙仙癡紫霞碧月翁並著
人間唯丹丘先生為尤顯所蓄書畫最富恐遭回
祿構地一方洿為池池中築臺臺上營室夜不通
火一日大雷雨火作姚方踞廁聞報急叩所藏古
蹟應者曰皆火矣姚驚惋遂不能起得疾卒平生

慕張貞居之為人所見片紙隻字無不收藏嘗得
其鐵冠與遺像為撰句曲外史小傳搜輯其遺文
以序之又伐石樹碑於其墓著有大易天人合旨
及穀庵集詩頗清麗不著一塵其流風遺韻為時
嘆羨宜矣

句曲外史鐵冠歌

昔為柱史稱鐵冠螭頭屹立霜風寒歸來野服山林下
不類我然鐵冠者句曲外史人中仙此冠已餘二百年

繡斑蝕鐵鐵欲穿稜稜巧製銅色妍黃篋樓中想應貯
玉鈎樓邊舊行處二儀三綱浪得名竹籜鹿皮無此清
芙蓉吐花金玉并鐵葉細薄不易成外史星壇月明夜
醺禮茅君鶴曾借出塵風度向誰彈坐看瑤池碧桃謝
予號逸史雲之東髮已種種今成翁冠乎冠乎磨冷鐵
今鐵曷能如古烈君不見古鐵性烈今不如作冠寧住
仙人居流落四海幸屬予著之稱我青霞裾

題自寫山水二首

春泉注壑挂玉虹一派正落長溪中
洲回渚伏宛轉綠雲裏草堂如瀼東
吾聞滄波有老樹就為筇簷閒留住
我欲扁舟卧看山擊楫長歌少陵句

綠楊風高溪水長五月爽爽如秋涼
山中人家少官府曉起出門唯釣航
一絲到手輕於髮不釣紅塵釣明月
斗酒坐對松江鱸肯換人家雙玉玦

題畫為楊司訓作

烟光漾風青入樓立馬回望湖山頭
遊絲飄飄幾千丈

不繫白日增人愁
春愁太半行樂少
渡口桃花鏡中老
勸君盡醉如杜陵
莫待春歸怨啼鳥

溪居

水暖鵝鵲浴花香
蛺蝶飛青絲聊繫
酒白苧已成衣
溪潤容蘭漿林深
著板扉留賓將薄
暮猶待釣魚歸

南洪

尊開如北海舟進
傍南洪客飲總當
右月生唯在東漁
燈蓬影外人語水
聲中不意袁宏渚
而今亦可同

斜淩來帆詩

初望懸風正須臾
赴淩斜往來皆過客
多少欲還家鷁
去帶春雨鷺歸隨
晚霞前邨遮望眼
綠樹正交加

桐邨小隱詩和韻

河流南入市徑路
北通邨新結草堂
好舊栽桐樹繁兒
童知稼穡鷗鳥識
琴尊有客問奇字
乘舟直到門

白蓮寺

琅玕滿院未全貧
節下題詩意自新
入社也知須我輩

逃禪不識是何人東樓獨倚千山雪北閣空飛十丈塵
清曉春風吹棹發曹溪一派正無津

陳園二首

白日青天醉唱歌子同西塞更如何山前一夜東風急
明日桃花水上多

黃埃赤日滿人寰擾擾浮生競往還何似衡門脩竹下
捲簾閒坐看青山

馬場湖

初見菱葉稀漸見菱葉肥馬塲湖水濶處處採菱歸

追次張伯雨韻

春暮雨晴池水添夜深池面流新蟾刺桐花影氍毹動
不省空亭是隔簾

暮春郊行

春暮郊行溪日斜隔林烟火是田家相逢盡說耕桑計
那有閒人掃落花

吳門風雨

風雨舟航未得行
重陽節近算歸程
老年自是居鄉慣
怕聽江湖夜雨聲

自弋陽至廣信

百里青山十里城
漁邨燈火隔江明
疎篷不識寬多少
著盡夜來風雨聲

題畫

秋風吹空古樹葉
白雨壓低新竹枝
淨掃石牀看春色
滿襟涼影鬢絲絲

常山道中

鳥未投林日未曛
松頭野雀自成羣
肩輿歸去身强健
處處青山有白雲

張州判彝

彝字天常海鹽人
天順間以貢授州判

晉州述懷

微官何事久殊方
回首田園業漸荒
多病一年三乞老
知休十夢九還鄉
椿陰已散遼陽月
鴈影空分海國霜

幾度休衙獨凝睇夕陽西下路茫茫

張訥

訥字汝言號全愚海鹽天順間人名見陳漢昭詩

有暑夕見訪一律

賦得朝雨送施先生

片雨城南曉勞歌惜解攜馬遲邨逕滑雲暗海天低弱
柳愁含淚芳塵軟著泥那堪當此際又聽鷓鴣啼

許主事章

章字廷冕號葵軒嘉興人天順甲申進士授工部主事

暮秋寫懷

蒹葭杜若滿汀洲吟對西風獨倚樓
遠鴈不將天外信清砧偏動晚來愁
沈郎瘦減非緣病宋玉愁多豈為秋
往日少年俱已貴此身何日謝沙鷗

鄭提舉延

延字世昌鄉稱東谷先生海鹽人以蔡氏書授其

徒顯者三十餘人天順中貢授廣東市舶司副提
舉諸番無敢以方物及門者陳白沙贈詩云溪漁
海舶各歸去明月自照芙蓉峰有存笥集

青溪別意送浦玉還金陵

溪上晴烟拂柳條溪邊遊子促征橈平蕪渺渺滄波濶
野樹依依別路遙三月鶯花歸上國一篷烟雨過楓橋
何時重踏金陵道攜手東風話六朝

墨竹

零亂金錯刀參差鳳凰尾翠影落湘潭秋風吹不起

次酬沈元節舟中有懷

咫尺青雲是畫圖肯將書劔老江湖經旬不見匏居子
筆硯荒來一字無

贈鄭山人

芒鞋踏遍剡西東歸卧靈山第幾重滿耳塵喧消不盡
閒來林下聽松風

回鴈

金匱要略卷十
片影橫斜不作行
數聲嘹唳度衡陽
夜寒沙渚清無夢
啄盡黃蘆葉上霜

白頭公

墮樓人去舊園荒
野樹殘烟幾夕陽
只有多情花底鳥
白頭猶自說興亡

虞舉人勲

勲字舜臣號樗庵
海鹽人天順己卯
以詩舉於鄉
母喪推毀不起
商文毅公為詩
哭之云論蓋我
差

長論學子當先胡為抱沈疴長往不復還白壁嗟
已缺明珠竟沈淵仁者遠如此疇能叩清玄

登鷹窠頂贈松崖道人

考見
題咏

道人結屋懸崖巔蒼松百尺蟠屋前凌空怪石根半露
巢鶴老樹枝相纏層巒醉踏苔雲滑洞門長嘯蘿月圓
借君九節碧玉杖同探崑崙十二天

倪參政輔

輔字良弼平湖人天順甲申進士授吏部主事改

禮部升湖廣叅政一介不苟治洞猺多恩信時焦
萬當國輔題畫竹紙扇以遺京貴曰不須高萬丈
清氣滿乾坤任爾西風急何曾曲向人卒於官有
類劇遺稿

徐州

山中雲散千年氣堤上人耕百戰場瘦馬獨行回首處
冷烟斜日似咸陽

過潯陽

苦竹黃蘆帶暝烟水雲深鎖舊江天青衫送客無司馬
那得琵琶上驛船

題竹送許昌世僉憲四川

春明門外斷秋風夢隔烟花紫禁中何處竹枝傳別意
子規殘月在巴東

沈參政啓

啓字元節號吾匏平湖人天順甲申進士授工部
主事監龍江稅有廉聲知潮州嚴通番之禁寬私

鹽之課歷延平臨江不改其操莊定山有十年清沈美南
京今日臨江沈更清之贈因相傳曰清沈終貴州叅政詩
文冲澹純雅五言古最得柴桑風致有頤貞集行世

送陸廷言歸鄉

晨興理征棹薄言歸故鄉故鄉渺何許江水悠且長白
鴈動秋聲碧雲生暮涼永懷同袍誼感此良亦傷出處
諒有時富貴何足臧

與徐學禮話舊因東劉守約太守姚穀庵同年

今日試新雨白苧高颺秋灌園得休力新秔候晴收閒
居寡俗紛愜我心緒幽兒童報客至橘逸儒家流茅堂
拂塵榻契分平生投盤餐截堆肪炎菽充核羞呼酒出
久藏曾不為婦謀駕言歲月邁惻惻江湖憂出苟無可
稱寧若隱者優

送友歸省

江天雨繁霜水落見層石北風捲地來寒色晚逾劇之
子戒行李詰朝問鄉國青雲多故知而深仇離惜我懷

金匱要略卷之四
卷十
亦何為兀兀殊未釋一官慙素餐十年久為客甘旨願
已違雙親況垂白家弟昨致書海潮害秋穫歲計諒無
望何以供肉帛子歸及承顏我客徒役役因之欲奮飛
安得晨風翼

喜徐仲洪表兄至京

我家清溪南君住清溪北君來自清溪我如抵鄉國殷
勤問家事歡娛動顏色雙親實康強三族幸安適諸弟
復進修孤姪況謙益舊穀雖無儲園廩足新麥時雨溉

我田茲秋望有獲情深坐中夜涼月當天白

再遊清溪

再得孤舟興茲遊不厭重溪山元有約昆弟且相從北
渚水衡月南臯雲度松誰云秋意晚猶及採芙蓉

遊靈谷

有約尋幽上翠微叢林因叩遠公扉蒼龍護鉢和雲卧
白鶴聽經帶雨歸世路賞音人有幾浮生開口笑應稀
山翁倘愛松花釀明日重來更典衣

挽呂郎中

秋雨淒淒草樹疎茂陵無復見相如
紫泥漫有新頒詔青管空遺舊著書
別墅雲間棋局靜滄江月冷釣船虛
白楊高塚孤邨路薤露歌殘恨有餘

陳學訓善

善字敬佐號友雲又號敬齋海鹽人工古文詩賦
性耿介寡合家貧甚未嘗下氣求人天順中以貢
為崇陽學訓九日詩為藝林所賞

九日偶成

九日出西郭望中秋色深
蕎花霜滿地楓葉錦成林
飲馬逢流水登高問碧岑
折腰虛五斗羞對菊花吟

春遊澈墅

考見
題咏

攜酒來從澈上遊
蒼蒼樹色望中浮
林間梵唄天真院
空外闌干宣慰樓
滄海接雲疑越嶠
青山繞郭似杭州
醉歸驢背饒詩興
東指蓬萊鐵笛秋

覺林夕照

青山寂寂謝塵氛
人世光陰易夕醺
漁父短歌臨水聽
牧童長笛隔林聞
天邊淡影明鴉背
松杪餘光認鶴羣
記得尋幽遇支遁
卧分禪榻半間雲

附考寺在海鹽縣南二十里豐山東麓元末建
山有石屋三所是始皇屯兵處又有九母塚

資聖寺戴井

考見
題咏

將軍遺宅作招提
石鉢銅瓶不染泥
幾度逢僧談往事
倚闌回首夕陽低

璵城

水雲鄉在舊城西幾度尋幽醉不迷遙憶清虛樓上客
洞簫吹徹海天低

附考在海鹽縣西北十八里

一作歟城相傳表崧所築

姜太守諒

諒字用貞嘉興人天順甲申進士由行人歷官漳
州守

普濟道院

玉甃清寒古殿重苔花滿洞白雲封函闕紫氣千年後

金少卿入公詩
卷十
北極靈威萬法宗
露井斷碑題歲月
天瓢滴水伏蛟龍
功成若許留侯隱
擬覓丹砂訪赤松

沈布衣樾

樾字元懋號樗軒
平湖人天順間布衣

懷方孔明

梅風吹雨日連連
綠漲陂塘已拍天
為念故人生計薄
一篙春水種湖田

胡教授寬

寬字景淵海鹽人父繼海為社學師人稱大胡先生寬少孤力學亦為社學師稱小胡先生每五鼓開學堂懸一燈高竿諸童子望之為候抱書至以篤行率其鄉人人咸重之

送鄭東谷之任廣東

一官新拜嶺南行多少山程其水程驛路梅花殘雪盡
岐亭楊柳曉烟輕文犀大貝來殊俗獨鶴孤琴識宦情
想到羊城春正好滿庭榕葉聽流鶯

胡星士日章

日章字樂素海鹽澈浦人遇異人授以星術每作
絕句詩判人一生事無不奇驗張方洲贊曰百世
之儒裔一鄉之俊傑所判虞氏後以節終又沈氏
詩云年年空佩宜男草不見金盆浴鳳雛竟無子
杭人詩云自是豪華多樂事元宵燈下蹴鞦韆後
於元夕縊死禾人詩云一雙紫燕入池塘紅粉佳
人遶畫梁後以二子溺死其妻自縊海昌人詩云

只恐明年正月五枯竹叢中苦又苦果以是日乘
驢過嶺墮刺竹枝而死

虞氏女詩

移得名花向畫堂任他門外蝶蜂狂只愁水涸春歸早
香冷簾櫳淡月黃

竹隱處士沈樟

樟字元美號西谿平湖人天成間文學少穎悟日
誦千百言久而不遇乃構數椽以詩酒自放號竹

隱

遣懷

半百年過志欲灰
杳無清夢到三台
而今且作偷安計
多買松苗趁雨栽

劉縣丞琮

琮字公贇號可庵
又號梅軒海鹽人
天順間貢士

授松溪丞

二隱圖

林下投簪二隱君肯隨浮世慕玄纁坐來話到忘情處
回首青山起白雲

李照磨蕃

蕃字文盛桐鄉人天順間貢官照磨

翠雲亭

人間何處問丹砂因過仙翁海上家燕子不來寒食盡
一簾疎雨又梨花

桐溪

萬年禹鑿東連海百折清流曲抱邨風浪不驚魚鳥靜
桐花開到邑侯門

李推官雅

雅字文雅蕃之弟官節推

中秋山寺玩月

人間何處水晶宮坐看冰輪出海東庭樹受風翻夜鵲
檻蕉垂地泣秋蟲香飄金粟諸天近影落瑤堦萬象空
白也愧予詩莫敵一尊相對古今同

潘尚書蕃

蕃字廷芳崇德人成化丙戌進士由刑部郎出知
安慶歷陞山東湖廣布政使所至有治績擢副都
御史巡撫四川五載西陲晏然尋督兩廣海南黎
賊亂蕃統兵逆擊大破之思恩岑濬以爭地叛蕃
籌其道里遠近險易批亢乘危分六哨以進遂誅
濬後復勦豐湖十三獠寇及惠州古三仔唐大賢
等屢戰俱獲奇功正德初陞南刑部尚書瑾橫蕃

耻俛屈乞休瑾復諧逮赴京與劉司馬大夏同謫
戍甘肅瑾誅復官優游林泉者數年性簡朴如貧
士時人為之謠曰尚書歸來無第宅稅地種花兼
種魚舉網打魚魚換酒花前醉倒老尚書臨卒誠
其子勿請贈卹勿刻奏疏人鮮及焉

過九里松

扁舟發車溪相將九里許不見舊時亭青松繞遺址逶
迤皂林塘宮堯烏戍寺行行難久留懷古吟未已欲極

遊覽情斜陽下山尾

附考在桐鄉縣甌
山前與車溪相近

觀吳越戰場作

吳越興亡宛目前
游屯涇上草芊芊
夕陽滿地滋寒色
野燒緣溪斷暮烟
麋鹿歌臺今寂矣
鷓鴣舞殿亦淒然
祇餘賜劍當年恨
惆悵東風哭杜鵑

湯清豐滌

滌字新之嘉興人
成化丙戌進士為
清豐令恒有

歸志監察使聞其能詩命賦一律有半明半晦雲
間月如有如無夢裏官之句使覽之疑其隱諷湯
謝曰此滌自輕其官也將去矣取印綬置案楫而
出行李蕭然士民攀泣有思庵雜稿

新居

築得幽居近此君半牀書畫半牀雲塵埃自絕何須掃
風月雖多不可分病眼又看新歲歷老年重改舊時文
人情世事俱忘却獨向雙溪醉夕曛

方御史輅

輅字宏載平湖人成化丙戌進士官御史

貞婦

詩誦柏舟吟琴彈別鶴音春來秋自去寧肯負初心

屠康僖公勲

勲字元勲號東湖平湖人成化己丑進士授工部
主事歷大理寺卿上言暑月疏決囚徒兩京一體
五歲一遣官錄州郡獄著為令漳寇溫文進作亂

詔勲撫輯以功陞副都御史巡撫順天整飭薊遼
邊備奏罷寶坻歲貢銀魚及昌平牧馬麻峪山採
礦等事民甚便之勲以密雲孤懸每有警救援不
相及潮河川積石漫衍守截為難黃花鎮拱護諸
陵守備單弱疏請分薊州為中路密雲昌平為東
西二路於潮河川作虎落具礮石布蒺藜鑿坑窖
塚石為城增置戍卒由是三路兵勢聯絡賊不敢
犯熊兒峪營去水遠一馬日費水錢十文猪圈頭

關地平行春夏水溢壁壘傾圯皆為兵困勲乃奏
移營於峪之南移闕於猪圈境外兵既得水又有
出境耕牧之利歲省數百人轉刑部侍郎會河間
戚畹與民爭田奉詔體勘卒歸之民武宗嗣位首
上郊祀藉田幸學三事拜刑部尚書引疾求去加
太子太保致仕卒贈太保謚康僖塋乍浦之鄂陽
山楊一清誌其墓勲穎敏好學尤善詩歌諸體高
凝整練不愧作手然素無詩名者以功業掩也有

東湖遺稿

題畫寄楊應寧

顏雲濕不飛釀作楚江雪林木凍已僵汀葦吹欲折荒
邨烟火稀野寺鐘聲歇端居思美人千里成濶別天寒
鴻鴈宿地僻音塵絕囊琴誰共彈悵望頗鬱結貽此瓊
瑤圖願言誦高潔

題岳蒙泉葡萄

愛此大宛珍豈彼凡卉偶蔓延入炎荒零落等蓬莠舉

俗知者希畫亦無好手之子謫成來一顧咨嗟久淒涼
骨肉寒延佇比蘭友揮灑聊適情法從草聖剖柔絲亂
虬鬚佳實映瓊玖宛似漢宮移不共秋霜朽芳甘壓酪
奴勁節奪髯叟我今重披拂真蹟未塵垢悠悠隔冥漠
三嘆獨搔首

西戎獻馬圖送楊應寧督理陝西馬政

烏駝曉度黃河來蹴踏萬里風沙開四蹄垂鐵不可鑿
拳毛繞腹非凡材戎人牽過蕭關下毳衣席帽胡為者

不辭馳獻到關西聞道楊公來主馬甘涼極望水草新
重開監院列圉人此匹真為渥洼種隱起龍文猶滿身
馬復令行如詔旨蕃息應看錦雲比唐家莫說惟毛仲
秦世徒聞有非子內地養馬連長槽料水莖草民何勞
楊公一來壯兵氣萬騎逐北天山高健兒夜撤穹廬遁
馬政既成公入覲還將此匹獻天閑不是按圖空索駿
送盛少司冠弟時正還無錫

江上春風動紫荊遠遊兄弟獨關情鄉心對雨燈連榻

客袂經秋杵滿城芳草欲迷帆去影短書還待雁來聲
太平盡說山林樂况復君兼吏隱名

白蓮寺

不到東林今十載馳驅王事敢興嗟最佳綠竹此時景
無數白雲何處家野逸底須歌爛石山深聊復醉流霞
布金卓錫空塵眼寶幙珠幡亂雨花

丹丘一景

浦雲烟樹路盤紆白首青山興不孤我亦有亭歸未得

東風時為長蘼蕪

酬沈元節

江上梅花逐夢生
草堂詩景雪初晴
北枝畏冷南枝煖
可是東風亦世情

梅僉事江

江字文淵宋宣城梅聖俞之後流寓嘉興登成化
己丑進士授廬江令興利剔蠹擢南京貴州道御
史時儲位未定江首疏請上嘉納焉賜織金豸服

已奉命清戎兩廣遷四川僉事屢決疑獄蜀人以
梅鏡稱之

都門送弟還鄉作

高城曉角意如何
執別離亭淚欲沱
池館夢中青草盡
鵲鴿原上白雲多
西風苦憶歸帆影
落日時聞鼓棹歌
最是明朝傷獨處
寒山古木對嵯峨

蔣秀才文藻

文藻名元素以字行號林塘競之孫少遊庠郡俞

吏部梅莊奇其才屢困場屋遂從姚丹丘學詩及
繪事所作枯木竹石筆法幾不可辨詩極清婉有
致遺稿燬於倭燹今所錄得之收藏家幀幅與六
硯齋筆記中

偕丹丘先生過蕭山竹林寺醉題壁間

門徑蕭蕭竹半池喜逢新夏亦秋時長林不卧嵇中散

古字猶存張即之

即之蕭山人宋司農丞直秘閣書名滿天下金人縣餅金購募不可得

潮打山城鐘渡水雨飄輕閣燕防兒一尊除却真閑事

醉著瞿曇是阿師

竹所自題

主人留竹似留仙
門掩清陰日日眠
客至澆茶涼蒲榻
鳩啼喚雨綠盈川
輕塵不到攜琴處
淺水疑來汎月船
最愛彭城風格老
緇縑長畫一溪烟

立夏日俗尚鬪茶
戲為煎煮自謂曲
几蒲團一領畧車
聲羊腸之趣啜宋宮
繡茶不啻也因成一
律復圖此以紀其勝

摘得琳腴及雨前日長煮水亦安禪
花瓷雪漲雞啼暖石鼎雲翻蟹眼鮮
行到碧藤分小浪聽來清磬繞孤煙
願教高枕蓬窓下檢點枯腸卷五千

成化甲辰歲竹醉日寫就長卷自喜題此

城中寸土却如金種竹誰能便滿林
獨有吾家三徑裏萬條蒼玉畫沉沉

呂太常憲

憲字秉之文懿公子少有異質過目成誦揣度時

事多曲中弱冠蔭為國子生授中書舍人每以不出科目為恨成化辛卯上疏乞應試言者劾之憲廟念其志特允所請果中式歷官南京太僕少卿弘治初改通政司擢太常卿採集累朝祀典沿革為條例上本寺利便十二事俱見施行讀書為詩文老而彌篤有九柏存豪

夏湖聞菱歌

考見
題咏

水邨宅東偏平鋪千頃碧夏四五月來菱葉如鱗積吐

花隨月光淨掃萍削跡頭角紛垂垂稅薄日多益扁舟
作吳歌笑彼紅塵客

治河謠

古河徙自周定王漢悲瓠子歌宣房後來紛紛建羣議
神禹遠矣誰其良黃流一石泥數斗歛忽風霾千里走
奔狂力障勢轉狂似止兒啼掩其口古之使者猶為民
以身捍水勇且仁今之使者志在名流移未復碑先成
張秋已誇績禹績符離廟祀稱無敵君不見蜀之遺愛

仰三犀今之鐵牛仆在隄

題陳賢良祠

先生出處百世豪當宋仁廟登時髦哀然舉首紆恩袍
判州宰邑心煩勞力詆言利臣貪饕執政發怒遷貶遭
挂冠一笑甘遯逃身騎白牛戲江臯忽覩新法紛如毛
浮雲富貴曾足叨聲名同一廬山高彼哉躁進者滔滔
景慕異代即薰陶吉蠲俎豆陳香醪馬則神兮輪則尻
既享八極從遊遨魄真蛻矣奚蓬蒿

贈揚志仁 并引

志仁故吏部侍郎惟新子先任山東憲副因河決曹
州興役浩繁上封事忤中貴左遷長沙同知余忝與
志仁幼曾同學今復晤於金陵感今懷昔情見乎詞
去國行囊一葉微敢言那問是還非潮來西澗舟橫渡
月照故宮花滿衣往事只須浮白醉高官或與汗青違
何能便逐鷗夷伴湖水煙蓑共釣磯

題龍潭驛

紫紆壤道瀉鴻湍，慘澹輕雲翳遠巒。
馬渡溪橋松葉暗，人穿籬落槿花殘。
正愁暑氣肩輿晚，忽轉江風驛路寒。
十五年前尚通籍，吾衰今去舊長安。

武塘竹枝詞

東風吹綠上垂楊，十里朱樓是武塘。
前輩畫師零落盡，何人解寫此風光。

春晝

春晝陰陰正養花，東風溪岸斂芹芽。
秀州樓閣皆堪畫。

燕子飛飛覓舊家

夏墓蕩

即夏湖

邨遠湖深愛此方有鱸即是季鷹鄉
秋風入夢未能去
空使憂添白髮長

劉秀才珪

珪字公端號蘭畹海鹽人成化初諸生

題竹

空谷無人瘦影寒月明時見舞青鸞
鷓鴣啼徹黃昏雨

猶憶湘妃廟裏看

包太守鼎

鼎字汝調嘉興人成化戊戌與弟鼐同舉進士授
兵部主事陞郎中出知池州府為政持大體性恬
退年未老乞休時花壘石以自適孫節孝俱為御
史

題漁舟畫

遠山落日映漁蓑煙水微茫起浩歌
記取扁舟好歸去

晚來江上有風波

初夏即事

滿堦槐影日遲遲
簾捲南薰景最宜
紅杏碧桃都過却
如今正是蜀葵時

包知縣龜

龜字汝和
龜弟成化戊戌進士官縣

春日寫懷

日長吟罷獨憑闌
撫景其如思渺漫
歲月無情催髮變

雲霄有路致身難
鶯啼野樹東風早
草綠閒堦暮雨寒
欲約舊時詩酒伴
青山隨處且同看

陳州同濟

濟字以舟號淡菴
秀水人顥之子
成化丁酉舉人
弘治間官鄭州同知

飲徐孟時宅贈苔溪吳叔禮先生

蘭苔花發已殘春
短棹遙臨駕水濱
青眼君能憐座客
白頭我已愧山人
盡誇詩興閒邊得
自愛交情淡處真

明日起堪分手去青雲無地可相親

姜僉事學夔

學夔嘉善人成化辛丑進士

白頭公

歲月堪嗟逐水流人生底處可歸休
山禽野性無拘束何事年來也白頭

陳推官良

良字明遇號廷輔嘉興人成化辛丑進士官司李

赴京遇重陽作

薄暮江城艤短航，孤懷牢落感重陽。
一尊綠酒愁邊醉，三徑黃花夢裏香。
客路計程紅日近，慈闈翹首白雲長。
遙憐兄弟登高處，獨立西風見鴈行。

朱靖安祚

祚字天錫，號拙齋。一號雲谷海鹽人。成化丙午舉人，為尤溪令。改靖安，有拙齋雲谷集及海鹽志。

題任景南素軒

海濱鶴髮翁樸類隱君子結構傍林垞蕭然遠塵市軒
居固不華窗戶亦清啓虛淨雪月宜淡薄琴書與閒驚
日似年靜覺心如水真居本自然矯飾徒為爾

贈栖真觀道士蘇應玄

鈞天清都上帝庭紫微勾陳環太清倏來下界幻化城
龍車鶴馭隨鸞輶羽幢翠葆紛霓旌拱衛星斗驅風霆
威儀儼肅光晶熒有美鍊師懷至誠星冠霜簡霞衣頰
俯伏拜章朝玉京玄天嘉悅錫百朋國祚萬年黎庶寧

四海奠安五穀登時暘時雨多休徵百戶千門歌太平

附考觀在海鹽縣西北
五十步宋乾道二年建

徐布衣晟

晟字公允海鹽人與朱祚齊名大叅王公衡延之
質漢雋數事稱為徐漢書著有燕石存稿

二喬觀書圖

金屋銀屏日似年漫抽綳帙並酥肩盈盈秋水嬌相盼
不是當初女誡篇

馬太守輿

輿字文佩秀水人成化丁未進士湖廣漢陽太守

輓項大司馬

山河正氣竟何其汗簡芳名千古垂
足底蒺藜歸漢日胸中介冑定秦時
平沙碧草空殘壘古木黃鸝有舊祠
頭白書生雙劍在叅從無地有餘悲

朱左相綬

綬字文佩號西谷秀水人成化丁未進士授檢討

侍岐王講讀王就邸閣官專擅綬疏論之自是政
屬輔臣著為典尋遷楚藩左相轉晉藩王年耄世
子世孫俱薨有欲竊柄者幽王曾孫於別宮綬密
疏云有王曾孫在乃得封著有清溪草

題畫

饑鴈相呼落暮田桑楊裊裊拂鳴舷晚來乘興疾歸去
衝破橫塘十里烟

陳秀才鼎

鼎字邦器號芸窗濟之子文學著有大竹集

西巖為徐孟時賦

愛山不費買山貲寄迹烟霞趣自宜一逕苔香粘屐齒
半窗嵐氣濕琴絲松間枕簟知秋蚤竹裏簾櫳得月遲
他日宦成功業著毋忘泉石舊襟期

姚序班旬

旬字用宣號可行綬之子太學生善楷書成化初
以冠帶舍人直仁壽殿寫書書成授鴻臚寺序班

著有觀頤稿

吳中還舟

密雨梢林竹顛風約岬花扁舟移北渚孤枕夢南華宿
靄迷高嶺洪濤弄淺沙昏鐘僧寺遠春塢酒旗斜世路
紛如織吾生信有涯計程幾二百明發可還家

秋夜

水檻平添一尺波前溪坐見沒殘荷晚來雨過聞絡緯
只有荳花棚上多

湯布衣文

文字公著號半邨嘉興人成弘間布衣其先有成
營州者至是應勾補有司以文眇攝其弟質行文
曰家任長吾不當其艱而累吾弟遂偕質往授徒
京師資以娶乃歸其友愛如此博學善詩姚侍御
呂太常為倡和友晚好與方外交相傳遇仙人冷
啟敬授以黃白術年九十有七預為旌銘口占數
詩而卒有遺集藏於家

秋日追次高太史江居寫懷韻

生涯抱拙為詩窮十載行藏半似翁
翠濕苔痕堦面水生涯抱拙為詩窮
十載行藏半似翁香生蘋末渡頭風
催科吏去門方靜問字船來酒不空
目斷天涯人更遠滿懷離思暮雲中

中秋待月次包蓋之韻

廣庭坐久月華寒露下蓮塘浥翠盤
泛渚有人曾擊楫登樓無客不憑欄
笑談此夕成清賞歌舞當年憶舊歡
萬古一輪長自好浮生能得幾回看

徐通判春

春字孟時號西巖嘉興人成化間以貢授通判陳
濟父子俱有和徐孟時詩

釣魚圖

去鳥沒長天疎林帶殘照為問江心人如何未收釣

姚布衣翼

翼字廷輔號桂巖嘉善人綸之孫成化間人

春夜曲

金鴉無光蟾欲生十二小簾花影橫銀缸火底玉蟲落
瑤笙曲裏青鸞鳴寶鴨灰紅水沈熱侍兒笑脫羅裙褶
鞦韆庭院靜無人杜鵑枝上猶啼血

遊胥山

伍員埋玉地千載悶煙霞草綠藏殘碣泉香漱落花海
天歸老鶴林木怨嘯鴉飛屨凌高頂愁雲入望賒

九日登鉸山

鉸山高頂即龍山九日登臨霄漢間雲掩夕陽孤鳥沒

天連秋水一鷗閒
詞賡白苧誇才膽
帽插黃花愧鬢班
諸子同遊況同道
十千沽酒不須慳

李訓導質

質字元粹號月澗
成化間郡庠生以貢授訓導

題鷺鷥荷葉扇

幾行玉立向彤庭
環珮鏘鏘沐寵榮
誰念滄洲有遺逸
敗荷殘照不勝情

王省祭茂

茂字廷槐號雲松省祭官里居未詳

觀駕出

金輿遊幸出鑾坡仙仗追隨逐隊過復見湯仁三面網
重聞舜德九功歌平原飛走來麟鳳宿衛森嚴駐甲戈
盡道此時承輦路寒威應得變陽和

周同知澤

澤字天雨嘉善人好學有才思為文清婉詩不多
作成化癸卯解元弘治庚戌進士官贛州同知

弔梅道人墓

古墓稜嶒卧斷碑
白楊高樹叫寒鴟
閒雲終日自來去
不見梅花老畫師

慈節堂詩

抱孤泣對韓符篇
綠窗破鏡不再圓
母道婦道兩無愧
古人今人誰可肩
夕陽照影寒竹倚
凍雪滿面長松堅
我亦綵衣慈侍下
援筆欲賦心茫然

附考嘉善浦潤妻

朱氏有慈節堂

陳賢良祠

曉叱長鬚遠駕船
白牛涇上弔先賢
清風自喜傳碑記
寒食誰能掃墓田
直節一時金石貴
芳名千古日星懸
當時若使從公議
不聽天津叫杜鵑

宗教授昇

昇字景昭號介菴
教授里居未詳

悅清

自分平生不外求
欲將身世學巢由
中天月到孤窓夕

金少四八
卷十
六月水涵萬壑秋庭草不除周子宅采薇甘卧首陽丘
青雲回首多豪舉爭似林泉樂最優

潘寔

寔字以誠平湖人

凝翠軒

小洞幽深日到難蒼蒼烟景隔林看一簾晴翠四時雨
半榻涼陰六月寒清晝有時還下鶴碧雲無處不棲鸞
莫隨羣卉秋搖落留取青青護石壇

題王孤雲畫蜻蜓詩

不隨沙鳥度涼風
款款孤飛過舊宮
十里湖山依舊在
野蓮無主向誰紅

范俊

俊字廷秀號菊鄰
以下十七人邑里無考詩見英
華皆朱翰同時人也

題明皇幸蜀圖

五王衾枕冷於冰
日晏妖環睡不醒
羸得愁雲迷劍閣

空歌一曲雨淋鈴

范睿

睿字致和號友蘭俊之弟

夏日即事

晚涼無事愛閒行
白苧衣單步履輕
佇看一羣兒女戲
蜀葵花下捉蜻蜓

陳佐

佐字邦贊號梅南

宮怨

幾回飛夢到昭陽
夢斷依然隔渺茫
起立蒼苔羅襪冷
玉堦昨夜有微霜

陸阜

阜字文厚

贈范鍊師

琳宮瀟灑勝蓬瀛
此日重來感物情
石徑雨餘蒼蘚合
洞門春盡白雲生
坐臨淺水鷗相狎
行倚空岩鶴自迎

却羨步虛壇上月夜深猶弄紫簫聲

胡奎

奎字文輝號質庵

柳枝詞

綠楊掩映赤闌橋蘸水含煙著意嬌
一自吳王歌舞散東風誰更惜長條

周瑾

瑾字汝成

感懷

紫燕營泥巢已成
柳花入簾江雨清
抱書卧病不出戶
空好一春花滿城

季璠

璠字廷用號櫟庵

無題

綠紗窗薄怕朝東
病骨難禁柳絮風
幾日不來花下立
春光唬盡鳥聲中

朱彰

彰字有常號琴軒

賦得烏啼人不見花落樹猶香

為有尋山癖行行入翠微
逕深啼鳥緩風定落花稀
濕蘚香黏屐晴嵐暗上衣
自然幽興愜吟賞暮忘歸

暮秋偶成

老去逢秋鬢已霜
石田茅屋半荒涼
商聲一曲人誰聽
疎雨南山豈葉黃

朱善

善字師舜號淑齋

送袁方伯舜舉之雲南

綵旌飛命出金臺
綠鬢爭推天下才
南國只今思召伯

甘棠一樹待君開

馮騶

騶字宗德號松雲

虹月舟為張廷翰賦

牙籤玉軸載書牀
短棹夷猶一水長
盡說江湖多樂事
風流不獨米元章

顧瓊

瓊字文玉號惜陰

高彥顯思親堂

秋風隴樹悲聲切
夜雨燈窗淚眼昏
莫問他年三釜志
一間茆屋老江邨

丁銖

銖字謹衡號慕松

水邨

欲避城南車馬喧幽懷日日傷江邨清風入竹斜分徑
新水浮花直到門豈為硯田知稼穡每從詩社醉雞豚
東風綠遍池塘草誰道相看是夢魂

夏昇

昇字旭之

送僧住開化寺

浮雲去住本無踪又報談玄過九峯卓錫定臨湖上寺
散花初度講時鐘春臺窺食多馴鳥夜榻聽經有毒龍
愧我迷途尚淪落幾時蓮社得相從

沈節

節字秉中號一閑

送兄仲陽會試

足馬蕭蕭上紫宸十年霄漢志應伸却憐明日重陽酒
沈醉西風少一人

郁能

能字良臣

次陸文厚寫懷韻寄胡以貴

人生聚散若浮萍惆悵難為別後情旅館夜燈愁獨對
池塘春草夢難成九重霄漢心同在千里關山月共明
莫向東風怨流落青袍端不悞儒生

沈詠

送姚僉憲之廣東

路入三江仙棹遠雲開五嶺瘴烟微宦遊正是承平日
坐看蠻花落繡衣

周軌

題畫

白蓮社散夕陽收山掩重闌樹掩樓迢遞不辭行去遠
候歸人在碧溪頭

石田生朱翰

翰字漢翔號石田生嘉興人成化間學究好吟詠

工唐體嘗取洪永以來一郡諸家之詩詮次成集
附以已作曰攜李英華惜其搜羅不廣去取未當
至同時諸公鄙俚蕪穢亦多廁入集中然用心良
苦有功先哲為不可泯若無此刻則我郡成弘以
前皆作無字碑矣石倉等編都從此選錄予亦得
其什一之助云

和靖觀梅圖

黃雲貼天不高萬里一色迷江郊朔風向晚吹不散

紛紛變作瑤花飄瑤花飄飄寒氣重萬木槎牙盡僵凍
梅花何事得春先獨放寒香暗浮動孤山老翁何灑然
對此梅花經廿年等閒不肯入城去詩名往往人間傳
人間傳名名已好化去喜無封禪草當時朝士葬西湖
至今羞見孤山老

賦得淮陰懷古送朱元魯

淮陰城郭枕江濱風景蕭條易慘神漂母溪前猶有路
假王祠下已無人空聞笛奏鄰家月誰復歌殘野水春


君去若為重弔古且須沽酒薦青蘋

桃源圖

流水溪頭路迢迢是去津毋將洞中事說與世間人

送包山馬世用遊楚

鯉魚風急布帆輕酒盡離亭思不勝
明月幾時經漢口
好山何處是巴陵
擬勞鄉信憑秋鴈
誰與蓬窗坐夜燈
會悟末期滄海遠
曲闌從此為君凭



馮李詩繫卷十